



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-37- 39122-22 /18
Sarajevo, 3.01.2019.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničko inicijativu

Zastupnica Bibija Kerla, na 1. Radnoj sjednici Skupštine Kantona Sarajevo, održanoj dana 19.12.2018. godine, u okviru tačke Dnevnog reda „Zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, postavila sljedeće zastupničko pitanje:

„Ko određuje cijene ortopedskih pomagala? Toaletna kolica za invalidne, odnosno nepokretne osobe koštaju, ni manje ni više, nego 387 KM. Jedan bolesni penzioner mora dati cijelu penziju za ta kolica jer mu Zavod zdravstvenog osiguranja ne omogućava da dobije ta kolica. Zavod dodjeljuje obična invalidska kolica koja u slučaju da bolesnik treba u wc nemaju nikakvu svrhu. Interesuje me da li postoji mogućnost da se ova kolica uvrste na spisak ortopedskih pomagala koje daje Zavod zdravstvenog osiguranja Kantona Sarajevo.“

U vezi sa pokrenutom zastupničkom inicijativom, Ministarstvo zdravstva dostavlja sljedeći

O D G O V O R

Uredba o obimu, uslovima i načinu ostvarivanja prava osiguranih lica Kantona Sarajevo na funkcionalna medicinska sredstva („Službene novine Kantona Sarajevo“, broj 31/18) definiše vrstu medicinskih sredstava koja se odobravaju osiguranicima Kantona Sarajevo na teret obaveznog zdravstvenog osiguranja, indikacije za odobravanje, materijal od kojih se izrađuju, postupak odobravanja, utvrđivanje cijena i dr. pitanja koja su vezana za ostvarivanje prava osiguranih lica na medicinska sredstva.

Navedenom Uredbom utvrđeno je da osigurano lice koje veći dio vremena provodi u krevetu, oboljelo od: 1. Paraplegije, 2. Cerebralne paralize, 3. Težih oblika mišićne distrofije 4. Terminalna stanja malignih oboljenja 5. Nesrasli prelom kuka i koljena 6. Nakon amputacije noge do primjene proteze 7. Multipla skleroza-teški stepen, ima pravo jednokratno na pokretnu toaletnu stolicu. Predmetno medicinsko sredstvo mogu propisati ljekari spec. fizikalne medicine, ortopedije, neurologije i onkologije.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



Napominjemo da je članom 7. pomenute Uredbe, data mogućnost da se u slučaju specifičnih medicinskih indikacija, osiguranom licu može odobriti određeno ortopedsko medicinsko sredstvo u zavisnosti od njegovog zdravstvenog stanja i oboljenja, koja nisu predviđena Uredbom, a ista su mu neophodna za kvalitetniji život, U takvim slučajevima, konačnu odluku, u zavisnosti od raspoloživih finansijskih sredstava, donosi direktor Zavoda na prijedlog Komisije koju imenuje Upravni odbor Zavoda.

Članom 18. navedene Uredbe, cijene medicinskih sredstava na teret sredstava obaveznog zdravstvenog osiguranja utvrđuje Zavod zdravstvenog osiguranja Kantona Sarajevo, a po osnovu provedenog ispitivanja tržišta, te raspisanog javnog poziva. Upravni odbor Zavoda Odlukom utvrđuje visinu učešća u cijeni pojedinog medicinskog sredstva, minimum jednom godišnje.

Komercijalne cijene medicinskih sredstava utvrđuju specijalizovane prodavnice za promet medicinskih sredstava na malo, jer iste nisu određene niti limitirane od strane Agencije za lijekove i medicinska sredstva BiH, niti entitetskim propisima.

S poštovanjem,

DOSTAVLJENO:

1. Naslovu
2. a/a



MINISTRICA

Doc. dr. sci. med. Amela Sofić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

